

爰遵寶籙祗建靈場令其伏為亢旱為憂嘉  
 生失望率正辭而薦信躬謝過以祈恩伏冀  
 紫極高真清都列象洞天獄瀆福地靖廬遍  
 高厚之神祇總陰陽之主宰無幽不達有感  
 皆通盡驅江海之潛鱗鬱布山川之佳氣雲  
 行雨施三農收霽潤之功春作秋成百穀協  
 用成之望四民安分千里同休有生皆荷於  
 覆容無物不蒙於化育上明  
 天尊大慈之澤下副臣等虔禱之誠謹啓以  
 聞

舉十二願

舉存神燒香

高功復爐

香官使者左右龍虎君侍香諸靈官當令臣  
 向來午朝陞壇行道之所自然生金液丹碧  
 芝英百靈衆真交會在此香火爐前當願十  
 方仙童玉女接侍蘭煙傳臣向來所啓之誠  
 速達徑御  
 至真九極大道  
 三清上聖

昊天玉皇上帝 御前  
 知啓舉出堂頌 出戶  
 引至六幕堂

道門科範大全集卷之十四

正一天師清微弟子 洪百堅 製作

道教學術資訊網站

道門科範大全集卷之十五

廣成先生 杜光庭剛定

祈求雨雪道場儀

晚朝行道

法事陞壇如式

都講舉各禮師存念如法

高功宣衛靈咒

五星高耀 瑞氣飛浮 元始集神 天地交周  
 玉符寶節 嘯命微幽 擲火揚威 奸凶無留  
 萬魔振伏 紛葩却消 摧怪滅惡 道炁周流  
 神无照夜 陰翳俱收 萬神降格 扇景乘騰  
 群生咸遂 惠遍神州 和與道合 真

舉鳴法鼓二十四通

高功發爐

無上三天玄元始三炁太上道君太上老君  
 召出臣等身中三五功曹左右官使者左右  
 捧香驛龍騎吏侍香金童傳言散花玉女五  
 帝直符直日香官各三十六人出出者嚴裝  
 顯服冠帶垂纓關啓玄壇天帝天真當召此  
 間土地里域真官正神臣今晚朝陞壇行道

謹奏為入憲其諸忱悃已錄告聞願得  
太上十方至真道炁靈寶瑞光下降流入巨  
等身中令臣所啓之誠速達御  
至真元極大道  
三清上聖

昊天玉皇上帝 御前

請稱法位

具位臣某與合壇官眾等謹同誠上啓

虛无自然元始天尊元極大道太上道君太  
上老君混元上德皇帝太上開天執符御曆  
含真體道昊天玉皇上帝紫微天皇大帝中  
天北極大帝聖祖上靈高道九天司命保生  
大帝后土皇地祇元天大聖后五福十神太  
一真君三十二天帝君三十六部尊經玄中  
大法師東華南極西靈北真仙都玉京金闕  
七寶瑤臺紫微上宮靈寶至真明皇道君上  
相上宰上保上傳三皇五帝十一大曜星君  
北斗七元星君二十八宿星君九官十精太  
一君北極四聖真君扶桑大帝賜谷神王洞  
淵龍王十洞五嶽九江水帝八海龍王三河

四瀆五湖七澤溪谷川源五方行雨龍王風  
雲雷電陰陽主宰府界縣境諸廟神祇城隍  
社令三界應感一切神靈臣聞天經地緯總  
萬化以無私陰懷陽舒運五行之有序蓋神  
功之默定表殊氣以成和物得由庚時惟大  
順今某祇膺宸命來領郡符務寬厚以臨民  
効忠勤而許國驕陽肆淫廿澤愆期懼為政  
之過差致厥殃之荐邁竊惟眾教具有具科  
聿嚴省悔之修夙露祈禳之請臣等告盟之  
日薦信以誠凡預齋薰益思蠲潔况茲懇悃  
敢不騰聞爰有心詞謹當宣奏

宣詞

按如詞言具頌懇切臣聞混元之教先萬彙  
以化成太始之尊總百靈而制治香冥巨測  
響答惟微然薰禱之誠仰干於覆燾而芬馨  
之薦敢怠於欽崇茂祝殊勲上崇睿算以今  
晚朝陞壇行道請法眾等運茲初檢上香願  
此香煙騰空上徹供養  
十方無上道寶天尊臣等皈身皈神皈命首  
體投地以是捨香功德上祝

當今皇帝陛下伏願玉圖日煥聖壽山崇導  
一氣以凝和與四時而合序餘風塊雨克成  
大有之年璧月珠星無爽太初之曆磬九圍  
而伴又均萬國以同休今故燒香自皈依  
道尊大聖眾至真之德得道之後保天長存  
和與道合真

以今晚朝陞壇行道請法眾等運茲二檢上  
香願此香煙騰空上徹供養

十方無上經寶天尊臣等皈身皈神皈命首  
體投地以是捨香功德保扶郡守逮及官職  
伏願天祐考祥神綏戰戰勤儉清廉之節  
揚中和愷悌之風飛雨隨車洗早塵於千里  
栽花滿縣洽康樂於庶民今故燒香自皈依  
經尊大聖眾至真之德得道之後永保長存  
和與道合真  
以今晚朝陞壇行道請法眾等運茲三檢上  
香願此香煙騰空上徹供養  
十方無上師寶天尊臣等皈身皈神皈命首  
體投地以是捨香功德溥祐庶民逮及闔境  
伏願邦閭請謐井邑又寧連堯消疫毒之災

百堵絕冠攘之害春露倍稔奉王賦以無虧  
年穀常登贍倉箱而有慶今故燒香自皈依  
師尊大聖眾至真之德得道之後永保長存  
和與道合真

唱方 懺方 命魔

祈雨頌

至道含元氣 陰陽育萬靈 下民多遇犯  
上帝降刑名 懇至勤朝懺 虔心悔吝冥  
願當垂雨露 洒潤遍無情

三禮

重稱法位

具位臣某與合壇官眾等謹同誠上啓  
虛元三境至尊十方醮筵列聖臣聞萬彙生  
成並資於妙道百神政令咸總於上靈由精  
誠之所交故淵通之至感令某時賜滋亢瑞計  
雨久愆慮旱魃之為殃致染感之失望夙恭  
伸禱尚未格於高明休惕興懷因敢違於寤  
寐寧避再三之黷庶伸不二之誠冀鴻造之  
曲迴鑒丹衷之懇側伏願月將離畢沃潤遍  
於三農雲不崇朝洒澤周於合境歲功有獲

地利無疆溥洎懷生俱蒙寶曆上明  
天尊大慈之澤下副臣等祈禱之誠謹啓以  
聞

舉十二願

舉存神燒香

高功復爐

香官使者左右龍虎君侍香諸靈官當令臣  
向來晚朝陞壇行道之所自然生金液丹碧  
芝英百靈眾具交會在此香火爐前當願十  
方仙童玉女接待蘭煙傳臣向來所啓之誠

速達徑御

至真元極大道

三清上聖

昊天玉皇上帝 御前

知聲舉出堂頌

出戶

引至六幕堂

道門科範大全集卷之十五

道門科範大全集卷之十六十七卷 舍六

廣成先生杜光庭剛定

靈寶祈求雨雷道場三朝坐懺儀附日冊

臣眾等志心皈命

東青西素南丹北冥四維上下十方元極

太上靈寶天尊扶桑大帝賜谷神君洞淵

龍王三河四海九江水帝十二河源四瀆

神君興雲致雨水府神仙和諸

禮足虔誠懺悔

臣眾等伏聞大約無象普化育於群生真宰

不言總裁成於庶彙或陰陽之差序致風雨

之愆期厥有祈求必諧精感今謹有某府州

縣以常勝溢亢嘉雨未霽祈雪嘉雪未敷按

三洞之沖科吉蠲申禱延九清之颯馭欽冀

致虔齋心諒格於高穹甘澤未諧於不應用

臨清旦 午景 澄夕 祇罄丹衷臣等志

心皈身皈神皈命十方無極太上靈寶天尊

扶桑大帝賜谷神君洞淵龍王三河四海九

江水帝十二河源四瀆神君興雲致雨水府

神仙諸靈官伏願殫極儲休瓊都降鑒興油